

ISLAM I MUSLIMANI U AUSTRIJI

Austrija je srednjo-eurovska zemlja koja je imala čast da se prva u Europi susretne s muslimanima i njihovom vjerom. Okupacija Bosne i Hercegovine, a prije toga i rat s Osmanlijama učinio je ovu zemlju najboljim poznavateljom islama i muslimana na ovom kontinentu. Učešće u savezu Osovina sa nacističkom Njemačkom Austrija je poslije Drugog svjetskog rata bila kratko okupirana. Godine 1955. ušla je u UN, a 1995 postala je članica Europske Unije. Graniči s Češkom i Njemačkom sa sjevera, sa istoka sa Slovenijom, sa juga Italijom, a Švicarskom i Lihtenštajnom sa zapada. Graniči sa osam zemalja. Glavni grad je poznata europska prijestolnica Beč. Površina zemlje iznosi 83.858 km², sa 8,184.691 stanovnika. Muslimana ima oko 5%. U samom Beču ima oko 122.000 muslimana ili 7,8%. Prema rezultatima popisa stanovništva iz 2001. godine u Austriji ima 74% katolika, Luteranaca 4,7%, muslimana 4,2%, Židova 0,1%, pravoslavaca-Čerkeza 2,2%, ostalih kršćana 0,9%, ostalih nekršćanskih vjernika 0,2% i ateista 12%.

Prema službenim procjenama broj muslimana od 1991 do 2001. godine povećao se za 100% i dosegao brojku od 400.000. Istovremeno smanjio se broj katolika za 166.000 tisuća. Prema istim procjenama u Austriji živi svega 8140 Židova. Zanimljivo je napomenuti da se uvelike povećao broj ateista i većina katolika je upravo otišla među njih. Oni su druga skupina po broju, odmah poslije katolika i broje preko milijun.

Broj Arapa se kreće oko 50.000. Od jezika su rasprostranjeni: njemački, hrvatski, slovenski i mađarski.

U Austriji ima 135 mesdžida, a samo u glavnom gradu 53. U Austriji postoji samo jedna džamija s minaretom i to ona u Beču izgrađena donacijama islamskih zemalja. Pored spomenutih mesdžida u Austriji ima još oko 200 mjesta za namaze.

Austrija je prva zemlja u Europi zakonom priznala islam i to davne 1912. godine, ukazom cara Franje Josipa Drugog. To priznanje treba zahvaliti prije svega bosanskim muslimanima koji su od okupacije postali ravnopravni građani Austro-Ugarske carevine. Zahvaljujući bosanskim borcima u Prvom svjetskom ratu Austro-Ugarska carevina se dugo održala. Prva islamska zajednica u Austriji bila je osnovana od strane Bošnjaka. Danas najveći procent muslimana otpada na Turke, a zatim na muslimane s prostora bivše Jugoslavije, a zatim Arape.

Vjeronauk u osnovnim i srednjim školama je izborni i kada se jednom prihvati postaje obveznim, a država iz proračuna plaća vjeroučitelje.

U Austriji postoji jedinstvena Islamska zajednica s predsjednikom na čelu koji se bira između članova Savjeta. Prvi predsjednik Islamske zajednice bio je Afganistanac Abdurrahim Zaj, odvjetnik koji je umro

prije nekoliko godina. Trenutno na čelu zajednice je Sirijac, također odvjetnik, Anes Šakfeh.

Prije nekoliko godina Islamska zajednica u Austriji je osnovala je Učiteljsku Akademiju koja školuje vjeroučitelje.

Ured za bošnjačku dijasporu Rijaseta u Sarajevu u svom izvješću kaže da u ovoj zemlji postoji 34 bošnjačka džemata. Džemati djeluju kroz dva udruženja, a Rijaset surađuje s obadva udruženja. Rijaset je radi boljeg praćenja aktivnosti bošnjačkih džemata osnovao posebnu Komisiju koja je trebala koordinirati s njima, ali je nakon neuspjeha koncem prošle godine ukinuta. Problem predstavlja i činjenica što većina imama u Austriji je zaposlena u školama kao vjeroučitelji, dok su im imamski poslovi dodatna aktivnost, što izaziva velike nesporazume. I pored prilične organiziranosti, još se ne zna točan broj Bošnjaka muslimana u Austriji.



Džamija i islamski centar u Beču, jedna od najljepših u Evropi



Dr. Enes Šakfeh, predsjednik Islamske zajednice u Austriji